

Pepa e tufa atu 2: “Sa Galulue Alii, Tamaitai, ma Faapea Foi Tamaiti ma lo Latou Malosi”



“O le tautotogo ma le taumafanafana o le 1834 o ni vaitau faigata mo le fausiaina o le malumalu ona o le toatele o alii i le lotoifale sa o ma Iosefa Samita i Misuri i le Tolauapiga o Isaraelu [Tolauapiga a Siona], ma le faamoemoe e fesoasoani i le Au Paia o e sa tutuli ese e tagata faatupu vevesi mai i o latou fale. O le o ese ai o alii, sa faauu ai e tamaitai le galuluega. O isi sa faia maa, o isi sa tata’ia povi ma tosoina alā, ae o isi sa su’isu’i, miloa, ma lalaga e fai lavalava mo le au galulue” (Lisa Olsen Tait and Brent Rogers, “A House for Our God,” i le *Revelations in Context*, ed. Matthew McBride and James Goldberg [2016], 170, po o le history.lds.org).

Sister Eliza R. Snow (1804–87), o le sa avea mulimuli ane ma Peresitene Aoao o le Aualofa, sa nofo i Katelani a o fausia le malumalu ma faamatalaina le faatuatua ma osigataulaga o le Au Paia.



“Sa toaitiiti le aofai o le Au Paia, ma o le toatele o i latou sa matuai matitiva lava; ma, pe ana leai le faamautinoaga e faapea na fetalai mai le Atua, ma sa poloai e ao ina fauina se fale i lona igoa, . . . semanu o se taumafaiga i le fauina o lena Malumalu, i lalo o tulaga sa i ai i lena taimi, ia i latou uma sa aafia ai, e iuvale. . . .

“Faatasi ai ma si tupe faavae itiiti vagana ai le faiai, ponaivi ma musele, tuufaatasi ma le faatuatua le maluelue i le Atua, sa galulue ai tane, ma fafine, e oo lava i fanau ma lo latou malosi[,] . . . sa tautai ola faautauta [faasoosa tatau] i le mea sa mafai ai, ina ia mafai ona faaogaina sene taitasi [mo] mea taua” (Eliza R. Snow, i le *Eliza R. Snow: An Immortal* [1957], 54, 57).

- O a ni auala ua faaalua ai i lena tala le mataupu faavae o loo aoao mai i le Mataupu Faavae ma Feagaiga 95:11?